

Pepa Kōrero Meka 1. Ngā pānga o ngā noke


wormwise national worm management strategy



Ka tīmata tonu te pānga o ngā noke ki te whakaputanga kararehe ina pā tonu atu ngā kararehe ki ngā torongū noke kei ngā otaota.

Ka taea te tiro ki ēnei pānga hei tētahi rārangi motukore mai i te kore whai pānga ki ngā noke, arā, kāore he pānga, ki te kawenga nui kei ngā kararehe e pā mai ai ngā tahumaero, tae atu hoki ki te mate.

Ko ngā tohu ā-tinana e whakaatu ana i te wāhanga mutunga o tētahi tukanga tahumaero uaua me te kaikaha. E whakaatu ana te putanga o ēnei i te koretake o ngā rautaki whakahaere noke.



Kāore he pānga noke
Kāore he pānga

Ngā kawenga noke nui
Tahumaero me te mate

Pānga haumanu-āpiti


Pānga haumanu

WHAKAPUTANGA

NGARONGA

E whakaatu ana tēnei hoahoa i mua noa atu o ngā tohu haumanu (ka kitea) o te pānga mai o te whakapokenga noke, he nui pea te ngaro o te whakaputanga ka taea.

Pānga o te kai i te torongū *Ostertagia* o ia rā me te anthelmintic ki te tipu o ngā reme pūhou (he mea urutau mai i a Coop mā 1982)



Ka pā mai te whakapātaritari torongū ina kai ngā kararehe i ngā otaota kua tāhawahawatia e te torongū L3 whakapoke.

Ka whakaiti te whakapokenga torongū i te hiakai me te whakahau i te urupare ārai mate, ā, ko te ngaronga he riterite horipū ki te kaha o te whakapokenga pirinoa.

Kāore e taea te whakainu rongoā te whakakore katoa ngā pānga o te whakapātaritari torongū.

Ko te ngaro o te whakaputanga nā ngā noke te mea nui rawa atu i roto i ngā kararehe pūhou.

Ka whānau mai ngā kararehe pūhou me te kore ārai mate ki ngā noke, ā, koinei tētahi pūtaka nui o te tāhawahawa otaota i mua i te whanaketanga mai o te ārai mate.



Me whai ngā rautaki whakahaere noke angitu ki te whakaiti i te whakapātaritari torongū i ngā wā hira i roto i tō whakahaere pāmu.